

焦山六上人詩

丙午麦秋

耐安署檢



832757

借菴詩鈔卷十

驗水謠

洲人年七十生不離洲渚年年水必秤秤自元旦起一
日為一月閏至十三止日驗其輕重水知大小矣吾初
見此老疑是隱君子老人為我言物有一定理住山人
知山住水人知水人為萬物靈萬物有終始人能參造
化造化不止此人生天地間天與人相似天地自流行
亦如此水耳

同人登雲臺山懷王簣山觀察

絕頂無人近碧天不愁星斗壓雙肩樓臺影借三山月

借菴詩鈔

卷一

一

鶯篋聲吹萬竈烟鄭隱燒丹知有術王喬跨鶴已成仙
重登物外空惆悵物外亭話到魚門涕泗漣

宿抱江廬次謝佩禾韻

謝公歸去我重來踏破空階舊碧苔下豈無三宿戀
天涯曾寄一書回青蓮室每留清順菴竹亭還憶念臺
莫謂江南詞賦客漂零不是棟梁材

采藥圖

世間何處無神仙張申夜入壺中眠世間何地無藥草
食得松脂顏色好昇天豈在藥與丹身無仙骨修應難
蓬萊水隔三萬里徐福何曾親到彼君不見秦皇漢武
空營營不求至治求長生今君若非鬼谷子定是山中



衛叔卿

同阮梅叔謝佩禾訪熊介茲觀察

昔從吟舍訪雲烟曾同雪齋上人訪吳山尊學士於西園曲水今又追隨曲

水邊倒屣慣迎天下士談經不愛口頭禪娥眉影挂初

三月雀舌香烹第五泉此與冶春詩社近詩題滿壁賦

羣仙

錢竹坡膝上鳴秋圖

萬竹天俱綠長松影亦清知君是秋士膝上有秋聲

題寶王上人書華嚴經後

三參海國門常開妙高峯接青崔嵬塵說刹說熾然說

龍宮龍樹無疑猜聲聞根性根最下不聞不見如聾啞

借菴詩鈔

卷十

二

雖去何曾動寂場舍那千丈身非假跋陀羅昔來揚州

證聖年中經始讎至今尚有翻經跡臺上青青蘇自留

上人來住華嚴閣一朝放下心無著日對晴牕寫此經

墨光閃處天光落八十一卷書已完我爲上人重一看

他年直入蓮華藏百寶光從筆底放

同阮梅叔過曹霽岑謝佩禾書齋

邗上雪初霽寒梅幾點新雙林多玉樹一屋盡風人飯

熟齋非乞詩成筆有神元暉家最近來往不嫌頻

寄繆香山徵君

萬里君曾匹馬游還家未破黑貂裘才知經濟來丹詔

志淡功名到白頭起死醫傳張仲景能飛畫作李營邱

如今老住香山畔屋傍谿流影不流

尋艾霽山

竹竿巷去路非賒斜對門居有菊花聽得讀書聲最好
梧桐樹下即君家

人日賓谷中丞過山中

文旌三過碧桃灣為訪巖梅問竹關人日有詩題翠壁

草堂無恙對青山江南客似花俱謝

謂王夢樓郭霽堂郭厚菴郭蘭池諸公皆洞口雲隨鶴共還我替焦公心輾轉未曾留宿此

仙寰中丞三過焦山皆值人日未曾宿

思退齋詠古詩

夫差失國美人知鳥盡弓藏悟莫遲羞與君王共安樂

借菴詩鈔

卷十

如今不是臥薪時

與地明增智伯貪城雖不沒已難堪信知水可亡人國

趙有謀臣張孟談

下車伏謁禮非常學以驕人田子方將學驕人猶有議

况無學更豈能狂

商鞅徒木誘於先立信方刑公子虔不聽趙良身早退

尸分族滅更誰憐

誰為守節抗燕軍七十餘城風捲塵賴有書生一王蠋

不然齊國竟無人

欲共尊秦魏最先竊符救趙事堪憐秦人不早作天子

只為當時魯仲連

空壁來爭水上軍壁皆漢幟陣如雲不教三萬奇兵出
國破應羞廣武君

尋常一飯感王孫母去千秋廟尚存過客至今猶太息
高皇不及婦人恩

未曾削地身先殞七國興兵罪不辭地下倘教逢賈傅
又將痛哭淚如絲

學貫天人一代儒因何只使相江都若能禮待如伊呂
湯武應當亦並驅

果然刀筆是張湯面觸廷爭直更彰天子不冠從不見
十年卧治老淮陽

纔通閩粵又單于車騎材官卅萬餘更禮八神祠五時

借菴詩鈔

卷十

四

仙人樓閣總凌虛

論雜詼諧語帶譏賣珠兒却帝知非當時欲泛蓬萊島
不止雄心恐未歸

滌器人常賦子虛一時寵遇勝嚴徐茂陵當日求遺草
我意猶多封禪書

欲求古制罷中書去就終當愧二疏堪歎孝元空涕泣
殺吾賢傅竟何如

赤烏夾日記春秋張禹論天未足憂莫怪朱雲太狂直
殿前欲斷佞臣頭

王嘉不受詔徒然寵列三公最少年家法自嫌無所法

意將天下法堯傳

平生但識公孫度割席曾分華子魚莫問龍頭與龍尾
揮金時看意何如

銅駝人指洛陽宮會見將居荆棘中張翰忽思葦菜美
鄉心一夜起秋風

識人須在用人先王事威知猛獨賢一見便談當世事
桓温竟不及符堅

山中宰相陶弘景大議先諮禮亦隆臨没詩當身後表
莫教平叔坐論空

未叛河南意早輕得兵三萬便橫行何須更讀移梁檄
自有旁觀眼最清

橫江已渡八千兵賊到宣陽門始驚所信無多一朱异
借菴詩鈔

卷十

五

便教侯景逼臺城

傾國無如馮淑妃邊書告急漫言歸晉陽已陷天猶早
更請君王獵一圍

章華一死亂纔生况更旁邊有客卿莫道長江飛不過
周師已進石頭城

突厥來朝閭闔開一時佐命盡雄才回頭笑指韓擒虎
曾執無愁天子來

漁陽鼙鼓一朝驚未識真卿與杲卿孰謂當時無義士
平原獨遣李司兵

能起文章八代衰行危詎獨是言危看他詰責王庭燾
無異真卿宣慰時

當年夜入蔡州時氣奪三軍不自疑今日方知温御史
一言使我膽應離

紇干凍雀多飛散無故清流使濁流刺得蜀中前進士
終身只解作忝謀示蓋忠賢不取爲天下五人歎一
一江烟水度汪洋誰把絲繩尺寸量竟有釣魚船上客
教人南北造浮梁口舌譏宰卧年並論黃吳圖一
帝曾手札諭中書必使先參重廟謨但看捲簾陞殿際
方知大事不糊塗言趙西題謝決吳不發氣新滿
一夕邊書四五驚澶淵獨請帝親征若非寇老心如鐵
未必南朝便弭兵

拂鬚參政言無定事到臨時必改張豈意雷州寇司戶
借菴詩鈔

卷十

六

多情猶送一蒸羊

河洛雖微學有傳居稱安樂豈徒然致君堯舜非無術
治亂聲先識杜鵑

聞道軍中有一韓曾教西賊膽先寒不勞片語將簾撤
天下危疑頃刻安

青苗助役害非輕口舌難爲宰相爭進得流民圖一幅
如何天子不心驚

懷姦蠹國勢將危斥盡忠賢不可爲天下正人成一網
多歸元祐黨人碑

事已難爲國已亡撾唇斷舌又何妨南朝死義真無幾
第一人惟李侍郎

上書數十請遣京多爲汪黃沮不行直到英雄垂淚日
猶聞三喚渡河聲
胡詮一疏係存亡字字同爭日月光不惜千金勞遠募
金人亦重此綱常
功著南朝第一人天何生岳更生秦高宗縱愛朝廷小
十二金牌恐未真
偶過南園石徑生竹籬茅舍遠山晴漫嫌此地多叢薄
有客能爲犬吠聲
萬古匡山海水輝驚濤惡浪洗乾坤至今七里洋南北
尙有忠魂抱至尊

七十自述

卷十

七

借菴詩鈔

人生七十古來稀眼看山中事漸非草閣寒梅知本瘦
玉池清水自應肥鑽丹石作梯仙國避債臺爲釣月磯
縱有故鄉歸未得蘧蘧夢逐海雲飛
鶴銘碑裂似袈裟欲補憑誰問女媧字好總教青蘚蝕
山高多被綠陰遮西江吸盡何能道北固擎來豈足誇
我與夕陽時最近夕陽樓看夕陽斜

人到衰年病作魔藥鑪經卷手親摩懸弧日與花朝近
放鴿聲從鷺嶺過天上不愁明月少山中豈礙白雲多
回頭莫問從前事一笑皆歸春夢婆

多生結習那能除憂患時抽架上書忙裏工夫偷半日
此中滋味在三餘留聲閣有幽人榻隔水門無長者車

休怪平公忘老大燈光掩映竹牕虛

賣山台蕩昔曾遊禹穴書探去更留載月舟還尋賀老
穿雲路已識歐堯歸棲古洞依丹詔臥對空江剩白頭
誰道龍天復推出三條篋束滿身愁

徵君詩屢勸尋醫

王柳村徵君以余年老
勸少作詩心竊感之

語不驚人想

不奇偶借江山非有待長留天地亦難期千金微帚憑
他笑一擲無聲且自疑喚起坡公吾欲問未知卅載可
能支

欲識匡廬面未曾竊疑孤負此烏藤夢尋漱玉橋邊客
社約東林寺裏僧敢謂名山稱一代如何曲象竟三登
十年一首詩今七題向雙峯最上層

借菴詩鈔

卷一

八

老病

百年今剩幾老病復如何死即成千古生還養太和空
山明月早破壁亂雲多莫問秋屏閣西風掃薜蘿

宿綠葢樓贈蓮性上人

櫻桃花放杜鵑紅掃塔年年至八公綠葢一樓山影裏
雲藏半壑水聲中石頭路遠須防滑貝葉經多豈盡空
竹榻知余春睡美道人不打五更鐘

登五州山卧看滄江亭次茅松坪舍人韻

錫挂青青嶺上松雲知過澗不因風回頭已覺塵寰渺
放眼能教世界空兩點金焦烟樹裏幾層樓閣畫圖中
綠梅花下吾重過欲和新詩恐未工

和柳村見寄

白露明兼葭夢搖江浦客寒潮帶月流洗我巖下石何處繫相思霜颺吹永夕

寄王芑泉學博

贈有詩篇筆有花瓊林片片玉無瑕劉楨風格真名士庾信文章本大家敬一亭連新講席藏春鳴積古烟霞不嫌世外人來往問字吾將列絳紗

閱法苑珠林偶記

天將五氣純聖德無不備然後至人出法爲萬古利莫嫌山海外物產多怪異

山人不識魚海人豈知樹大小各自疑目因未見故所

借菴詩鈔

卷十

九

以魏文帝不信火浣布

天左地右旋日月體非圓其行有遲速其照有後先三百六十五餘度成閏年

水中日圓象土中曰賁羊掘地而得人其名曰無傷知怪應不怪夏鼎志已詳

千歲狐爲人百年鼠能卜春分鷹變鳩秋至形還復時與氣化成物隨心反覆

客寄空堂中一鬼負屍至復有一鬼爭客言彼先至鬼將身卽換不識他與自

食驗馬子母動別蛇雌雄復以船試象便知斤兩同請君莫棄父棄父必遭凶

手執青蓮花異香常滿手身行屠肆間不觸如蒙垢此
意語難陀人無交惡友

耆域西竺人做儻多靈異渡江人不載達岸虎應避笑
指洛陽宮彷彿似忉利

驗事輒塗掌戒人休食葱預知國有喪鈴鐸語無風每
每夜拔絮光明流穴中

人過酒囊邊見影忽生妬相爭死不休爲藏囊裏故旁
人笑其癡打破囊卽悟

弟子從師行足不踏師影此非吾妄言沙彌教已秉孝
卽名爲戒時時當自省

鶴林寺

借菴詩鈔

卷十

南朝寺古訪遺踪踏破青山路幾重不見龍蟠門外井
空教錫挂嶺頭松僧逢竹院斜陽淡雨過香臺積翠濃
攜得軍持來一汲寄奴泉響玉琤琮

郭小巖畫墨竹見贈兼示以詩用東坡金山放船

至焦山韻

千霄綠竹吾嘗耽况茲山北連山南敲風憂玉聲細細
曲徑爲客常開三我住弁山曾養竹年年客販如桑蠶
至今尚憶雙清閣時參玉版心懷慚歸來十載居竹隄
卧看萬燾搖風潭功甫對此意獨往未曾落筆神先酣
枝枝寫出風雨態葉葉似對幽人談贈我瑤篇兼挂壁
知君夢欲留松龕使居有竹人不俗使食無肉心常甘

我求無厭君不辭却笑我作秦人貪更覓溪藤長八尺
高堂一掃君猶堪他年留作子孫寶風吹颯颯焦公菴
湖州陳無軒學博端坐而逝

無軒學博本奇士窮到八旬窮不死忽聞坐化湘管齋
此謂攬行并奪市死之坐者惟高僧長年坐斷繩牀繩
身將鐵鑄袒其膝除是以外無他能世人鹿鹿何曾歌
百歲流光駒過隙欲求放下心豈然百千萬億人無一
人稱善士必善終湖人稱謂善士善終此言未爲先生崇先生道
直行亦直生與人同死不同今之僧却多高臥生厭蒲
團死豈坐大江南北十餘年坐脫立亡能幾個

清涼山遇雨

借菴詩鈔

卷十

十一

未入清涼山先得清涼境急雨從東來一片秋光冷雲
藏佛閣燈壁挂藤蘿影樵人何處歸不見臙脂井

同黃山近賢上人夜話懷洪稚存太史

不負先生約今年到已遲曾留天上夢尚有壁間詩初
地成三宿太史有居然桑下成三宿勝我山中住十年句丹霞住幾時我來尋

舊跡處處碧苔滋

雲谷寺

踏遍天都屐有痕來尋擲鉢古祇園

古名擲鉢院

雲封紫石

仙人宅月滿清溪丞相源金縷衣難逃劫火

寺遭回祿尚未復舊

觀貝多樹復長靈根匆匆更與生公約八月同遊西海

雲門僧柏堂寄李北海秦望山法華寺碑

古巖昔住雲門寺柏堂師爲古巖嗣古巖已化柏堂歸
與我別來今兩季今年有客來蝸廬懷中躍出雙鯉魚
此言相思不得見下言踪跡同樵漁復寄法華碑一紙
書是括州李刺史字一千有六十四與雲麾筆頗相似
寺開秦望山北隅法師曇翼來跣趺空中普賢乘白象
百寶布施人天趨當時太守狀以奏願言刻石垂宇宙
至今寶墨尚流輝殿閣嵯峨撐列宿大凡物到千百年
往往歷劫隨雲烟此石定有神靈護不然那得長完全

登禹王臺

蕭蕭秋已暮極目禹王臺水自天邊落雷從地底回高

借菴詩鈔

卷一

七

臆懸白日古壁繡蒼苔笑我來何晚斜陽已半頽

郭蘭池過山中

盱水歸來歲正寒春風又入酒杯寬輕攜竹杖尋高隱
細嚼梅花當早餐眼底江山曾有約胸中塊磊亦無端
當年石壁留題處綠上苔痕字已漫

夜宿章家埠雨

萬峯圍漸緊一夢未模糊獨樹爭留客空山亦笑吾雨
聲篷背急人語竹簾粗夜半東風起篙師枕上呼

淨名寺贈道融上人

萬峯圍石室寺總詎那餘小有維摩洞深藏惠遠廬月
流初地淨天人夜牕虛一榻應無夢溪聲筑響如

聽詩叟

偶作雁山客狂吟休草草此中大人慣聽詩已老

早起

落月已墮地殘星尚在天一聲何處雁衝破海門烟

坐看雲起時圖爲韞庵上人題

山人愛住山不怕山無底結屋深山中一呼山盡唯興
來每獨往坐看白雲起白雲初起時湧若春江水入林
知可卧遁跡輕無比變幻在頃刻奇形不一似翺翔天
地間莫知其所止日暮自歸來夜宿空山裏誰知吾與
爾相隔無一里

輓陳曼生司馬

借菴詩鈔

卷十

十三

若此才華世不多忽聞士女盡悲歌兵談玉帳三軍喜
字勒丹旌萬手摩黑夜飛星知有尾黃河人海竟無波
誰憐我有傷心處淚灑空江洗碧螺

胡魚門大好園圖卽用王子卿太守韻

江南山水無不好青山處處江迥抱記昔我從牛渚來
澄江日落天影倒我與洪厓夙有約

洪稚存太史蒲帆
約遊九華山

十幅烟波浩當年夢日有危亭此日凌歊盡碧草廣平
駐節古鳩茲幕中客詠驚蒼昊對月樽開大好園朱欄

碧檻成仙島景文長滿不嫌遲胡母歸山誰覺早匆匆
轉眼二十載回頭舊跡都如掃前年曾遇石帆樓來往
於今成二老同登北固興猶豪更約海門風便惱雙峯

咫尺不能歸我爲題詩君默禱

題葉小鸞乞戒圖

小鸞月府侍書女不是蓬萊仙可比小住人間十七年
碧桃花放春風裏月中仙子愛聯吟葉家姊妹多同心
一唱一和似鳴琴牆邊只聽音音夜深月出階前拜
花枝露滴愁無奈詩成但許佛先知學佛應持綺語戒
泐庵大師隋時人無端現作女人身欲證毘尼先審戒
十支清淨無纖塵名曰智斷字絕際他生莫忘今生記
青天月落夢魂歸一夜風吹花滿地

汪霽園還是讀書圖

未曾弱冠遊東魯先窺聖域空今古朝朝看日昇扶桑

借菴詩鈔

卷十

十四

海作紅盆金作柱驅車北走黃金臺公孫閣啟知天才
歸來身著老萊服閉戶讀書長不聞功名探似囊中物
知君不肯爭毫末他年對策應天人此是君家舊生活

借菴詩鈔卷十一

焦山清恒巨超著

秦郵義雁塚

秋高九月天飛霜江南江北蒹葭蒼翺雁南來因底事
磬磬聲只爲稻梁弋人一發傷其翼翻空墮見淋漓血
僧敷以藥不能飛飲啄時時香案側朝朝聽慣經魚聲
若有所契心無驚不比梁間雙燕子穿花掠水春風輕
明年舊侶雲中過病雁聞之心膽破仰首一鳴雌便識
翩翩上下聲如和悲鳴幾日雁無聲雁比世人尤多情
同生况復更同死千古華山畿未平僧爲立石菴之右
塚稱義雁傳因久春來不斷草青青過此低徊入八九
借菴詩鈔

卷十一

一

我觀世上人聯翩義不如雁誰爲憐山可以崩海可決
不若此塚留千年

題王二波都尉江樓燕集圖

一杯滄海與天浮多少仙人集此樓絲管聲中孤月上
旌旗影裏片帆收牀聯風雨思當日坐對江山正九秋
我展畫圖半相識欲談往事問僧繇

圖係張夕庵先生筆

輓柳村徵君

一代真名士扶持大雅輪山高無不仰道直總相親舉
國知顏闔東家笑魯人未會年六十底事厭紅塵

選出詩徵閣三千幾百家

選江蘇詩徵一
百八十三卷

一叩彈聲益脆

魚魯字無差沒後名垂世生前筆吐花有人來日本購

此作英華

有日本國貢使
購江蘇詩徵

聖朝恩最厚兩舉制科稀

薦舉孝廉方正
又舉山林隱逸

姓氏留丹

詔山林重少微鷗盟江月出鶴放海天飛不恠吾來往

時時叩竹扉

抱病顏無戚高堂過八旬玉樓成五夜兜率記前因有

子承先哲能文似古人我來猶一面不禁淚頻頻

道光六年九月宿建隆寺題竹梧軒壑

憶昔十五來揚州讀書西北之高樓健如黃犢走復至

清屋臺畔長嬉遊雪廬老人頭盡白我依膝下知憐惜

五十年前諸詩人來去常為不速客

時袁簡齋蔣心餘
金棕亭朱二亭常

此軒分
韻賦詩

老人西逝我南歸忘饑獨掩山中扉乾隆四

借菴詩鈔

卷十一

二

十年有六復至此軒心依依我住焦巖五十載題詩石

上今猶在偶然一宿去更留窗外梅花若有待今年七

十我重來當窗無竹星無臺

軒前竹皆移他處
落星臺亦已無矣蕭蕭落

葉聲如雨一夜西風掃碧苔我見主人已五易寒燈卧

對淚沾臆階前桐樹百尺高還是當時舊相識

寄祝越州已香長老七十

小雲樓築鏡湖邊領畧湖山七十年白社家聲非外至

黃梅衣鉢是真傳茶烹日鑄先春雨

日鑄

水汲錢清讓

晚烟

錢清

堪笑世人多鹿鹿師常無事卽神仙

折得梅花當早餐滿身香雪透衣寒泊鷗社好分題慣

摩鵝碑殘剔薛看詩已必傳人亦信心無所住佛應歡

懶雲樓下吾同宿一榻清風竹幾竿

曾招我至越中遊自有名區蹟便搜禹穴書探金作簡
雲門寺啟石爲樓桃花隔水呼張雨竹笠遮天訪貫休
山到東南最竒絕石梁橋與大龍湫

清似冰壺孰與儔福能享此也曾修門前雪積隨人立
架上書多儘客求再五十年雙甲子過三千歲一春秋
將携海角山無數盡作吾師屋裏籌

自題小影

焦巖曲录已三登事事心同六月冰我對青山應有媿
被人錯喚作詩僧

湯漁村都督回二波騎尉出巡江上過焦山詩成

借菴詩鈔

卷十一

三

卽解纜至圖山關

對酒歌難和樓船過別峯令嚴催鼓角風急吼蛟龍月
魄羣鷗散潮聲萬馬衝圖山關不遠夜半有霜鐘

十二月望夜作

一年賸此月當頭雪映疎簾挂玉鈎蓬島有天皆貝闕
仙家無處不瓊樓還鄉夢逐衝霄鶴卒歲人分露地牛
幾日梅花香撲鼻春風先到古丹邱

送卽成之洛伽山

小白花初放南遊佛頂山樓臺橫海市世界隔塵寰四
面龍爲宅終年鶴守關

時九峯門關普陀山

光熙峯萬仞策杖好

躋攀

道光六年十一月三十日陶雲汀中丞過焦山和

余七十自述詩七首是口值中丞崧辰復增生

字韻一首見示卽次韻奉寄

出使西川道里繁

公典試西川著蜀輶日記四卷

文章報國久知名春

蠶食葉眠初起玉尺量才舊有聲白簡每崑天有喜

青蓮偶與佛同盟晉時疆域吾曾讀覺此精詳勝更生

洪更生太史有晉時疆域志

皖江移節路非繁復理南漕仰素名

乙亥年巡視南漕今年江蘇漕改海

運甚便

直挂千帆追日影不搖萬鷁聽風聲山逢島嶼神

靈護海過登萊嶽瀆盟此運議同廊廟合中衢一勺有

書生

包慎伯孝廉著中衢一勺

借菴詩鈔

卷十一

四

揮毫頃刻思交繁入坐人皆是大名

謂李冠仙葉伯華

萬里丹

霄雲有路千秋華表鶴留聲文章自古心相印山水從

茲筆可盟我與東坡翻舊案長生更許學無生

指月樓聽余柳江彈琴

恒河菴枕大江流聽鼓平沙月滿樓有月不須天上指

月來指上冷於秋

詩徵閣同人偶集聽靈根上人彈琴卽用壁間杜

茶村先生韻

偶上詩徵閣同看琴尾焦雙峯闢丈室一鶴下層霄日

落青山瞑門開碧海遙漫嫌長聞寂萬竹響清颺

楊子懷人處名同亦偶然完身終傍隱報國豈由天俎

豆增巖壑詩書集聖賢

閣下為仰此軒上為書樓

吾知留寶墨

阮宮保留

忠愍公 四壁走雲烟

卓錫蝸廬畔，慚余髮盡蒼。無齋還乞食，垂老復開堂。子

任焦山南 日短非春晝，年衰似夕陽。眼中黃幾許，我欲

問支郎

峯別菴，因別雲深路。轉深佛疑逢，小劫容喜遂。初心繞

閣江，如練攢天石。作林未能忘，結習倚檻學。龍吟

吾非綸，長老題壁有東坡。百世應當寶三車，不厭多眠

雲橫竹榻，釣月理烟簑。却喜張安道，時時載酒過

春風來幾日，春水綠差差。薛荔烟飛處，梅花月滿時。長

歌聊自遣，奮喝為誰施。若論琴中趣，無絃恐不知

借菴詩鈔

卷十一

五

同王小村茂才過入公洞

心遠塵俱遠，心遠亭遠塵菴風清客亦清。山中無鶴警，夜半有

魚聲。屋破僧難住，峯高佛不爭。棗花開正好，簾捲雪初

晴

送楊子堅之漢陽

蘿帶山人愛遠遊，江山處處好勾留。到時五月棗花落

一笛橫吹黃鶴樓

病

比邱常帶病，保此七尺軀。四大不能調，風寒暑濕俱。我

以病為客，病與我相娛。身居枯木堂，跣足常跏趺。年已

踰七十，面目松枝枯。不蓄駐景方，不燒煉丹爐。吾宗貴

寂滅不許心模糊萬年歸一念捨此非良圖坡公才絕
世言與道相符壺子知不死老聃遊虛無

一 退居綠雨樓偶檢蘇詩有夜至永樂支長老院時
長老卧病退院後先爲我道也喜而作此

病不開堂道益尊蘇句西江一口爲誰吞白頭似我還非

我綠竹生孫又見孫夜雨挑燈留客夢春潮帶月洗雲
根文殊未解談真實摩詰無言勝有言

結習

避謗詩欲戒白髮不肯放垂老尚吟哦捨此欲何誇睡
起聽雨樓青山橫一桁薔薇花正開紅塵闌干上結習
尚未除客至同酬唱一笑意遲遲茶烟窗外颺

借菴詩鈔

卷十一

六

爲語

交叅凡與聖怕作此堂頭佛古香初散僧饑鶴亦愁經
緡無字偈鉢洗大江流爲語山中客蒲團莫外求

辛筠谷少宗伯過焦山見示

多生結習總難除愛讀人間未見書面壁心非圖一笑
挑燈味却在三餘原知寺卽神仙宅不信門無長者車
共踏雙峯最高處夕陽樓峙碧天虛

山借人傳別思縈羲之崖畔好題名千秋事業留青史
一代文章有正聲鸞鳳自應成夙契松篁亦可繼前盟

扁舟也合成圖畫卧看團團海上生昔謝朓泉侍御巡

樓先生遊焦山有月夜泛舟

至金山圖一時傳爲佳話

次韻俞劍華孝廉過訪焦山

澗別無從寄所思，離情忽敘孝然祠。廿年南北知君事，一字推敲是我師。堂過碧瀾新雨後，窗開明月夜涼時。虛臺已化瀛洲老，話到蓮花漏轉遲。

詩人多變集松寥，下榻何妨更一宵。月出光疑蓬島雪，風來響似浙江潮。懸崖只許枯僧住，古洞曾逢隱士招。舉手有虹成五彩，時橫天上作長橋。會記當年冰雪容，芙蓉花下覓仙蹤。蓬山路必層層到，慈母衣將密密縫。滿袖珠璣成咳唾，雙峯雲鶴定追從。回思六逸堂前客，老去何能得再逢。

過眼流光年復年，笑吾髮白尚童緣。登岫幾折雲門足，借菴詩鈔

卷十一

七

出世惟餘賈島肩，却喜傳衣隨去住。未能辟穀媿神仙，期同海國來消夏。無價松風六月天。

題三祖紹叅長老像

師之心月當空師之學老不倦師之跡半天下師之道山一片我雖不能盡知而尚知其半試看五十年後諸方叢林有聞師之名者莫不鑽仰而眷眷

贈陸沉法師卽題韞菴詩草

前生林處士，棋花栽滿岫。心獨愛孤山，湖光挹靈秀。祝髮至棲霞，挈鉢來靈鷲。教知半與滿，道無新與舊。傳宣十二部，一一皆窮究。如網提其綱，大小魚不漏。

君有筆一枝，天矯如遊龍。忽隱而忽現，出沒虛空中。細

若澗底泉清如竹裏風古若綠綺琴淡若青芙蓉偶然
得一首落筆疑天工藥白句如仙春深壽落紅

題焦公
洞有藥

巳春深壽落花
句一時傳誦

曾中無一塵眼底空萬象有山必着屐有水必打漿
遊三十年時時勞夢想一旦來焦山以我一日長住傍
蝸牛廬不交東郭敞著書盈一尺鈔書高一丈

今年歲五十忽滿手中著頭顱髮半白似我歸山時無
端興勃發橫擔錫一枝留君君不住欲采南山芝况近
梁昭明讀書臺有基我嘗過其室白雲窗外飛

王題王瘦梅鶴守菴圖

我記從前遊笠澤恨未曾見鈕非石山前十里盡荷花

借菴詩鈔

卷十一

八

七十二峯烟外碧今年非石來江潭相期一訪鶴守菴
主人家藏書萬卷以雲爲屋松作龕一生知己樸爲友
萬片花飛苦更厚有時曳杖去看山竹戶慣教雙鶴守
作詩好寄菴中人仙姿綽約梅花身我知鶴與梅同瘦
非梅與鶴誰相親

題鈕西農聽秋吟館圖

露滴花開扁豆香聲聲不斷紡秋娘須知客裏寒應早
衣綫無人問短長

夜半窗開月影方蟲聲如雨集迴廊人間各有情相繫
得句何妨寄草堂

次韻俞劍華孝廉見寄

吳興客乍來山院我初退我無圓通圓而有海堂梅憶
昔住龍華好山終日對見離四句中心絕百非外燈然
明月堂瀑響清空界碧巖東坡題清空
世界刻于石壁我雖非靈樹尚
記前生話長興諸古剎淡泊此爲最先生許過從問字
來因再至今山與水感激心猶佩昔寄九峯詩云吳興
山與水皆我舊檀
試問此龍華百年能幾會

天際木蘭舟不波亭畔艤故人江上至未見色先喜開
樽對月傾拂石連雲起笑我髮盡短頽然非昔比行吟
翠靄中風過落花裏閒撫松盤桓饑爲鶴料理同尋瘞
鶴銘字一無全美新詩別後寄深得風聲旨會期來歇
夏山房同紙被只隔一江城相思不能已

借菴詩鈔

卷十一

九

湯漁村總戎之海壇鎮任卽次留別韻

九重新下 柴泥書又拜 君恩上玉除螺女江清天

作底真人峯碧霧爲裾爭看旭日旌旗擁漫道秋風髻
髮疎原唱有搔首空
嗟髻髮疎句若向終南山頂過渡仙橋畔有仙

廬

陳抱之過山中遺墨妙亭石刻

往歲曾題說劍樓今朝始許識荊州雲南唱和燈前讀
魚計書堂夢裏遊金石考多秦漢篆見贈金石考魚計
亭石刻雲南唱和

詩兩
卷

風雲筆掃古今愁千秋尚復坡公跡此定常爲六

客留

湖州府署
有六客堂

得承州李海颿太守書

朱方一別又三年出守零陵路渺然鈇鋸潭深猶可識
芙蓉館好尚爭傳書來九月霜初隕客至雙峯月正圓
此隔祈陽四千里白雲紅樹滿江天

寄奚虛白

自昔弁山歸頗多筆墨債欲償媿未能欲棄心難昧屈
指廿年來常任多顛沛腸枯視已蕪學廢思逾懈不寄
書一行豈作方三拜吳興諸友人皆疑我不在今年俞
康直不期江上曾示我先生書語出平生愛亞莊已出
宰二樵亦在外只有戴銅土時同歌慷慨吾知才與名
天不能輕待君詩滿江淞君名知宇內榮悴各有數窮
通何必介若論吾之詩比君遠不逮去年病幾死飲食
借菴詩鈔

卷十一

十

時謹戒逆來我順受知天亦無奈

題別巖詩草

誰似皎公清秋潭月共明一時傳落葉五字比長城摩
詰詩中話寒山物外情偶題千仞壁雨過碧苔生
錫駐烟雲室時橫百衲琴因風能識曲折節見虛心海
水天搖綠松崖路轉陰梅花開正好雪裏有知音

文殊閣

無人談實相有閣見東昇兩院惟孤榻終年只一僧廊
迴詩刻竹塔繞夢傳燈欲問三峯事雲開碧幾層

謂巨
濤長

老復二峯
鐘板事

漢隱庵雪夜有懷卮香同韞庵別巖作

頓雲樓上人七十顏如玉以雲爲伴侶梅花香滿屋吾
常借一榻錫挂非三宿余會居小雲
栖七十餘日同登萬八峯徧訪
東西谷書來漢隱庵令我心如轂雪夜對寒窗一燈映
疎竹

復用前韻寄卮香

其德重如金其人温如玉載山山之西已公有茅屋替
我居一借懶雲樓共宿苔痕綠上階蘭蕙香盈谷一別
又三年流光似轉鼓不見嬾雲嬾獨對竹生竹

臘八日

六載山中雪裏埋當時有眼不曾開如何大地稱奇特
一點明星是禍胎

借菴詩鈔

卷十一

十一

送西林比部出使西陲

山望祁連出玉門冰歲安濟海多渾三臺草發春無信
萬里沙飛日易昏 聖主綏還同惠遠將軍去卽定崑
崙歸來圖畫凌烟閣第一褒公段志元

寄越州泊鷗詩社

記讀先生栲栳篇留吾一榻證前緣至今栲栳山房客
夢到西窗又八年

琴鏡西

古鼎歌傳世所無雙峯勢壓海天孤一千四百九十二

字字光同明月珠

茹韻香

四疊梅庵寄我詩未曾相見卽相知梅庵已去吾應媿

不是當年澄慧師

紀百穀

山中處處又谿詩更點紅燈寫竹枝不許旁人爭一筆
他年留此作相思

周又谿

賀監祠通鏡水濱清風里有不羈人君家住隔明真館
四壁烟雲豈畏貧

楊吉園

先生歸自嶺南來宦海風多客漫猜不到嶺南人不信

梅花九月竟全開

壬笠册

瓊臺仙客

謂子堅

悔交遲一語春風人座時明月可修天

可補教人無處不相思

鄧雪册

無雙才子黃江夏一笑烟波萬里秋他日泊舟楊子渡
可能來宿海雲樓

黃笑山

黃花滿載月初明偶爲題詩記不清知有白衣人送酒

借菴詩鈔

卷十一

三

江州刺史最多情

陳曉雲

夫子文章得共聞學無所進意猶勤如今老去多愁絕
只有心香一瓣清

朱澹香

豪吟誰似杜茶邨月滿空山酒滿樽我有故人年七十
與君相對兩忘言

杜片莊

黃庭一寫幾千年結得山陰道士緣君爲我會書兩册
今人誰道不如前

任又泉

風光最好是清秋日逐詩人鏡裏遊手把金樽將月吸

不知明月正當頭

諸丹蘿

何人不識大馮君多謝新詩寄碧雲若問此間何所有

松濤萬壑枕邊聞

馮嘯琴

落有蘭亭鏡有湖一舟搖出輿非孤河兄秋泛題應滿
更作君家第二圖 諸笙圖

懶雲師任懶雲樓轉眼人間七十秋我長一年零一月
山中孤鶴水邊鷗 世香

送客

送客江之水楊柳何青青一帆橫遠渚去去無留停歸
來須及早莫使涼風生涼風起西北肅肅孤鴻征故人
日漸老容顏日枯槁思君不能言使我縈懷抱

寄艾霽山

夙好惟詩書萬卷羅東壁疾痼惟烟霞時時攜蠟屐知
君善微言玉屑飛珠林又復工嘯詠響入松間琴我與

借菴詩鈔

卷十一

十三

君締交豈止十年舊但愛雙峯高不嫌孤鶴瘦憶昔來
焦山綠雪淨青螺夜來明月出一枕橫烟蘿君歸江上
廬我亦長貧病寄我詩一卷草堂冰雪淨幾回燈下讀
復向花間吟梅花知有約字字清我心

雙柏閣

閣有書聲近竹西森森雙柏與雲齊窗窗迎雉堞山俱遠
曲聽漁樵月乍低 謂別岩 賽芍藥花當檻放提葫盧鳥向
人啼竹枝已去名猶在 昔董竹枝會讀書于此 洗盡蒼苔覓舊題

邵純一鍊師獨立蒼茫圖

心包太極與無極前生疑是邵康節家藏五岳真形圖
足踏青城山下雪當年曾醉岳陽樓一笛橫吹萬里秋

迢迢我見碧天淨獨立蒼茫詩自詠

湯雨生都督秋江罷釣圖

將軍世系中山後青史功名定不朽千秋事業與文章
人欲奪之天更厚天移節鉞留關中千霄氣吐如長虹
畫角詩成月下影鏡歌聲逐天邊虹又教旌旆來三浙
馬踏金華山盡碧復啣命卽至吳興鏡裏相看頭半
白白雲溪有先人廬恩深未敢賦歸與題詩我寄秋
江客莫把綸竿輕自擲

戴銅士秀才西湖訪秋圖

六橋烟景最宜秋却稱先生汗漫遊多少白蓮花已謝
西風不解美人愁

借菴詩鈔

卷十一

古

一船人影半船風何處僧歸夕照中莫向萬峯門外過
顛謂小白雲紅樹草堂空

接戴銅士書卽次見寄韻

一枝棲息未曾安近年山中多事况是蕭蕭髮已殘
夢裏關山知久別燈前書札喜重看
閒來始覺忘言好老去偏愁見面難
獨有同莊詩太壯天教塞外立騷壇二月二旬張同莊大

令已赴新疆矣

金雪舫明經青燈讀史圖

吾聞讀書不讀律致君堯舜知無術何况讀書不讀史
要安邦國何由得先生讀史惟青燈兩眼似燭光飛騰
過目便知魚與魯羣書博若曾溫陵吾嘗一見耕莘子

議論千秋瞭若指詩成五字一千篇余過毘陵見畢耕
莘處士詠史詩一

千首多在先生燈影裏

徐春颿司馬杖梅圖

眼底誰能似長公山蔬紙帳一龕同三生石偶尋遺跡
五朶雲皆奪化工五朶仙雲石得之
嶺南信奇物也自古高人知勇退

從來名士不憂窮惟拈一句詩持贈春在先生杖履中

贈陳梧山孝廉

吾鄉大族惟陳氏楮山高入贅為始一家兄弟五詞林

政輔三朝留國史堂開綠野山蒼蒼安瀾園作午橋

莊鑾輿六駟此幽壑樓臺處處皆天章乾

隆辛卯我十六中丞時作揚州牧謂體齋
中丞公餘屢過落

借菴詩鈔

卷十一

十五

星臺建隆
寺興好題詩竹軒竹流光倏過六十年君家科

甲仍縣縣幾人直上蓬萊頂手把詩書視作田年來我

已離文字却喜君從故鄉至挑燈不問羈旅情握手先

談故鄉事故鄉久別歸無期人生窮達君無疑至今夢

繞塔山塔夜半潮猶惜別離

次陳退菴大令見贈韻

先生是玉局媿我非參寥雖有教外傳喜作文字交題

廊岫北秀古戍尋南譙高談玉屑罪妙語神理超山僧

有洞壑隱士居山椒欲搆松影菴臥聽春江潮歸雲眠

竹榻得月懸詩瓢他年解組日握麈談風騷雙峯最佳

處即可長揮毫室知濤可悟悟覺濤非濤

練笠人大令話集平野軒

久別重相聚窗開平野軒
餘還自考起信復誰論
關尹曾談識心意識惟釋氏言之最詳六經未言識字關尹子言而未精
文殊尚有言
鷺鷥藏皓月何必問崑崙

次韞菴上人住象山題壁韻

經書架列幾千家響合莊騷著頗奢會著莊騷合響十六卷
帶雨

但栽陶令菊歸堂且喫趙州茶
摩空作賦泉疑涌替我
鈔詩眼木花自此往來成不速
一颿頃刻路非除

過贊化宮訪屠琴隴太守見示續刻是程堂二集
詩八卷

來尋丹篆宿丹房手顚仙茅次第嘗
人隔廿年彈指室

借菴詩鈔

卷十一

十一

詩添八卷是程堂髯絲禪榻門常閉太守有跋坐禪堂日閉門之句
黃

紙紅旗夢已忘一曲瀟湘琴乍歇
詩成字字有光芒有寄

聽焦山問樵彈琴詩四首

九月六日高樓村茅三峯張夕菴韓曦齋蔡石隣

張匏村諸吟壇宴集鳥外亭送問樵任半壑菴

夕菴曦齋兩先生有作次韻

江南九月天初霜門前鴨脚株黃
詩人偶集古亭上

斜陽欲落爭飛觴疎鐘出閣雲縹緲
脚底羣峯若烟繞

練湖百里影模糊滄海一杯看亦小
我來此地五十年

蒲團一宿山之巔會同萬里祁連客會同洪雅存太史暨練塘長老游此

而來訪山中大覺仙身無所繫心無外
一朝放下身

輕快曾無所思力自在菴僧字無思那得人譏同能襪好山

住必須好僧別傳教外今誰能惟仗毘耶城客以光明幢輝千燈洞有青松門有壑此與八公前有約冷冷

聲在七條絃問樵善琴路斷鬻塵貧亦樂新詩我得張與韓

座中六客皆仙顏無端我策焦公杖來看蓮花洞外山

寄顧心齋居士

知君門外有三車妙悟時能轉法華禪淨雙修空諦觀

鍾王四壁走龍蛇先生工書多情水月清難比無價文章世

久誇欲問毘耶諸弟子何人衣上著天花

得福闍湯漁村總戎書

東南夷盡仰威名細柳營關近福清大海蛟龍遵約束

借菴詩鈔

卷十一

七

彭湖盜賊總歸耕三山日出分諸島五夜燈殘擁百城

寄我書知憐我老蝸牛廬獨最關情

退院

退院僧同罷任官虛空撲落也無端簷前雀門兒童喜

我亦從旁袖手看

雲帆東向海門開萬里扶桑旭日來我有故人書未達

青山一髮是蓬萊

不學黃金鑄尚方人生百歲也尋常他時若遇那和璞

生事何須問潁陽

借菴詩鈔卷十一終

借菴詩鈔卷十二

焦山清恒巨超著

次韻范廉泉大令別後見寄

夷山近海一螺浮，慣與先生豁遠眸。天可以量知有尺

時同黃南坡大令丈量州地雲來欲住豈無樓，清時喜聽軍民詠。仙

侶爭看李郭舟，却惟東風催解纜。月隨帆影到揚州。

示問樵

深雲菴近作芳鄰，雲去雲來不厭頻。山裏客皆同上古

猿頭，書半是先秦。自甘落拓爰旌目，腹有經綸非大春。

愛爾平生交有道，尹公徒友必端人。

送月帆遊九華山

借菴詩鈔

卷十二

一

當年我與九子約，登山爲訪回香閣。未曾笑拍洪厓肩

期洪稚存太史於一粟菴，余到山太史已歸洋川矣。一宿還騎天上鶴，仙人去已

渺飛來峯不飛，蒲團松鬱鬱。箬嶺雲霏霏，爾將欲謁金

地藏袈裟一角覆，千嶂童子下山送。有詩如來度世心，

難忘今我不能從。爾踏月登天臺，余昔至九華山顧巖

卷繪天臺踏月圖見贈玉龍萬丈聲如雷，定多佳句詩囊滿。一路看山歌緩

緩

書綠雨樓壁

德爲本立道方親，手足非親道豈真。荆樹有花枝亦茂，

橘林無實子還貧。異鄉加飯思當日，余有法見朗虛性

二十餘年余土弁山未歸時感念不置，刻燭聯吟刺此身。况我洞山宗

首在簾垂紙閣話頻頻

登巢鳳山

巢鳳山接蔚藍天，
有人疑是偃佺月。
下冠裳知步斗雲中，
雞犬識飛仙書藏。
玉簡神靈護，
藥取刀圭性命全。
我遇好風吹桃李，
一時花放洞門前。

同月帆尋王柳村徵君墓

往傍曲江頭，
交多嵇阮儔。
制科曾一舉，
著作已千秋。
墓與沙岡近，
溪隨竹影流。
沙岡竹窠皆地名
我來春欲暮，
一路

問松楸

山中

齋到中時日漸長，
羹惟百歲有餘香。
鹹菜為百歲羹
道人却許

借菴詩鈔

卷十二

吾偏衆客至，
應添小宰羊。
古有郡丞家貧喫豆腐謂小宰羊

枯木堂開月乍明，
家風更比玉壺清。
須知此福非容易，
不許人間富貴爭。

過象山贈韞菴

石公山對面，
挂席我頻來。
寺與龍宮近，
人從石壁開。
心通水月古，
字識莓苔洞裏長。
跌坐羣鷗見，
不猜

櫻桃紅已熟，
來聽郭公唬夢繞。
松間鶴書留，
紙尾鷺嘗新。
黍玉版刮目，
有金鏡坐久渾忘返。
斜陽隔水低

謝椒石觀察同馬素園崔篠瀾信宿鶴壽堂和

贈韻

笑我頭顱雪久侵，
終朝兀坐此香林。
蓬山客至重高會

竹鳴風來一展襟尚有先人碑可讀觀察之先中丞守鎮江時有游焦山詩載于山志欲談往事漏初沉年深只恐莓苔蝕好向雙峯佳處尋

捫葛攀蘿意盡便滄波四面隔塵緣開堂自覺猶非分到此誰疑不是仙扶老杖遺縣圃玉多情硯賜漆沙田蒙贈玉鑲藤杖一枝盧綦生仿宣和漆沙硯一方秋來再過蝸牛洞握手同看小有天

和程小山讀書焦山見贈

青山影裏白頭僧有客同居最上層夜半書聲出叢竹朝來花雨落枯藤一時道可從人得千古名難沒世稱借讀琅函三萬軸好留明月照詩徵

借菴詩鈔

卷十二

三

次韻張詩船農部見寄

曾攜玉尺向蠻烟一路爭看李郭船同戴湘圃戲吳典試福建夢繞

江山知幾度詩同珠玉寄聯篇文章報國非無據得

失從茲不怨天此與拈花同一劍心心印卽似當年

牙檣百尺自南來繫纜重登集鳳臺未見龍宮千古篆

先尋鶴院兩株梅自然菴有古梅兩株數百年物皆爲雷雨所拔題襟客憶當

年事曾賓谷中丞爲都轉時人日縱筆人驚絕世才原

有江山爭數一時才謂三十餘年駒過隙摩厓無處不

莓苔

喜晤隱菴上人

曾經卓錫古承天轉眼俄驚十六年又見匡廬真面目

重談海國舊因緣青山到處開蓮社白髮何時問水仙
我有故鄉歸未得朱安浜上祭無田

上人時歸雲陽省墓故云

莫笑

莫笑年衰邁長吟復短吟貧知無易事老去更虛心禮
節斯爲美文思世所欽道人須仔細語值萬黃金

題周又溪

師濂

明經竹生吟館詩草

又谿愛竹名竹生卽號其竹曰綠卿種竹畫竹復吟竹
詩中有畫畫亦精我與竹生交最好三年不見縈懷抱
畫得琅玕竹幾竿遺我以作焦山寶前年忽與己香來
雙峯直上心顏開長江濯足流萬里東望汪洋海一杯
今年寄我竹生吟館集句句驚人字卓立雄豪不讓袁

借菴詩鈔

卷十二

四

簡齋淵雅竟同錢鐸石我當三沐更三薰一瓣心香對
竹焚開函每向竹窗讀夢裏時聞聲曼玉

孝然祠納涼寄程小山

追涼高士宅人與竹俱清水激山疑動潮來月有聲烟
霞無定態今古亦虛名却憶閒居客時時擁百城

次韻范廉泉大令見寄

政簡民俱樂官清吏亦閒雙峯詩又寄一棹鶴初還路
接仙人掌碑傳朴樹灣我將來訪舊先過石帆山

楊文襄公玉帶還焦山歌

焦山日與金山對萬里滄江橫遠黛西以屋勝東樹勝
樓閣重重開法界當年佛印住金山四大本空無帶芥

便將大地作禪牀一語坡公留玉帶山門永鎮此江天
佛國長留通地肺至今七百有餘年拂拭時時猶不憚
楊文襄當明季時功在廟堂青史載歸田意獨眷焦山
縱筆詩常題翠靄吾知文襄亦偶爾帶留以作山中愛

惜乎山僧失守護後遂棄之同管蒯訪求聞近睢陽王
帶留水晶卷後傳府志載文襄公留香火止存彌勒在

從于睢陽王廟香火止存彌勒在玉彌勒佛于焦山

方丈今猶供奉世間寶物會有期呵護神靈終不晦幸逢中丞

雲汀陶公與方伯范林梁公間寄雄藩四國賴我公今之蘇文忠
政績文章推一代去年節鉞駐南徐仰慕文襄發深慨

卽捐清俸使還山勝贖文姬千百輩作歌記事會羣仙
百鹿銜芝非雜佩帶刻百鹿竭來珍重付山僧枯木堂將雙

借菴詩鈔 卷十二 五

鼎配他年我亦畫圖中有玉帶還山圖此日人看燈影外詩成

我欲賀雙峯夜夜山中發光怪

題何蘭舫自怡軒詩鈔

憶昔來京江何鈞與我好江樓先生係蘭舫族兄屈指五十年時

時縈素抱今與蘭舫遊一見便傾倒信宿蝸牛廬去來

非草草曾讀者舊集君家詩不少讀此自怡軒素月流

清昊君詩如劍南何御六處士有劍南集學富同滄曉何滄曉大有見山

味不在人間似食安期棗

折臂翁拄杖歌

石公山人韞贈我一拄杖形如三折臂無兩我今名以

折臂翁偃婁形狀殊可想上有天矯之游龍首雖不見

尾搖空下有山艫僅一足見人疾走如驚鴻赤如兼金
響如鐵色帶蚩尤戰時血斬蛟周處見亦疑若有重重
雲霧結山人得此心顏開愛之不啻瓊與瑰渡江陟嶺
腰脚健如親兄弟都無猜坡公得雨亭作記我今得杖
更堪誌朝朝我與爾相親折臂翁將攜折臂

同張寄槎顧菴話舊

昨夜前村見一枝久知鄭谷是吾師紅燈綠酒思當日
白髮蒼顏共此時已刻京江耆舊集還題石壁孝然祠
回頭三十年如夢含涕重編七子詩
應地山錢鶴山王柳村吳樸莊鮑野雲皆物故詩選七子詩什粹

輓張夕菴先生

借菴詩鈔

卷十二

先生名早著盛德有光輝舉國人多仰升堂跡甚稀筆
能參造化道已入精微我亦追隨久門牆尚未揮

有子同思德曾教國士降才難名第一
今嗣茶農中庚午解元首題寸

難不其然平經學世無雙作宦門如水彈琴月到窗歸來風

兩袖端不媿京江
謂京江相

乍聽瑤闕摩空賦玉樓吾知還有恨泰岱未曾游
手歸瑤闕摩空賦玉樓吾知還有恨泰岱未曾游

同一颿步月至焦公洞

夜寒如潑水月華流滿地山空古檜多影落蛟龍戲無
聲萬籟寂飄泊一身寄瓜牛盧可訪上有三詔字却喜
清順從藥臼詩猶記烟霞境本閒淡泊心無二懸巖竹

搖青觸石雲如膩路轉棧道岩一燈光漸細

吳青士司馬枉過綠雨樓用杜少陵詩文公上方

韻

先生湖海士愛此煙霞居轉眼十年別故鄉書亦疎我
退已三載羸鉢長安舒門掩枯木堂榻傍蝸牛廬相思
日輾轉落月橫階除竊喜詩徵閣牙籤三萬餘鴻寶書
旣得不讀將何如一帆風破浪影入江天虛柴門聲剝
啄放却耕雲鋤忽遇故鄉客玉佩搖輕裾話及諸老成
大半歸邱墟梁山舟侍講吳敦
祭酒皆物故况茲風俗淳亦不如當
初浮雲變頃刻一笑成軒渠我竟同枯木直待春風嘘
海雲樓夜坐示一帆

借菴詩鈔

卷十一

七

自古師巖道乃尊沙盆扶必藉諸昆中峯入寂惟麻履
智永傳家只鐵門佛性但憑頑石點宗風不許外人論
他年過水逢渠處月照蘆花豈有痕

題趙雨樓觀祭糧艘放江進牌圖

使君本是濟川才捧得恩綸天上來鐵甕城高連

海嶽京畿嶺半接雲臺文經賞識誇韓愈士競趨踰似

郭隗我住空山同槁木也沾化雨潤枯荑

一日河淤厚一錢西門橋望塔依然

相傳西門橋痕猶
與虎邱塔尖平

婆難切猶生耳海湧峯低不露巔賈讓治河原有策韋

堅轉運亦相沿司空只恐江湖落淺攔韓家古廟前

因公鼓柁過南譙江北江南路豈遙酒對青山飛竹葉

詩鐫翠壁畫松寥涉憑忠信天應格事不拘疑吏敢驕
況有百靈齊效順不須更問彼招招

鐵牛灣接大觀樓幾日西風萬櫓柔歷歷眼前同過客
搖搖天際識歸舟帆檣影入徒兒浦蘆荻花催益課洲

自此軍民皆感戴謳歌聲與畫圖留

顧菴菴張寄槎枉過山中次菴菴韻

有約騷壇客來尋退院僧燈挑聽夜雨水汲帶春冰小
食留寒具荒年情冷蒸紅襍花欲放月照影層層

題京江七子詩後寄青苔館主人

京江七子舊相知燈下重吟七子詩詩刻七子詩成傳世由來

名最重虛心到處物難欺梅花紙帳空山裏竹影松窗

借菴詩鈔

卷十二

八

細雨時君已白頭吾已病夕陽樓上話襟期

贈蓮嶽上人

夕菴高弟子畫法李龍眠詩酒邀明月樓臺近碧天瘦

真同賈島清欲似南泉我亦時相過松風到枕邊

題趙雨樓觀察練湖埔工告竣圖

吾嘗讀管子利民無不備俾知其水土復辨其同異教
彼耕與鑿是名爲不棄政之最要者莫先於國計功之

最永者莫大于水利潤州至雲陽漕運事非細所恃惟

江潮潮落船俱滯一朝遇水涸縱有力難使練湖四十

里汶有八十四北自長山來西自高驪至馬陵谿一漚

極目浩無際使君來相度一一曾先記上下湖可放肉

外隄維繫沿湖闌六七涵洞十有二烟村九十六處處
栽荷菱蓄則溉映田用則隨菽閉黃金壩不修葺久終

當廢張官渡建脯上下得相濟謂上游使君籌畫定獨

斷鬼神避卽請於大府罔不從其議鳩工三月成謳歌

聲若沸回空船不停如挿摩空翅事勒十丈碑名垂千

百世後來矢勿忘襄勤公有劄黎襄勤公會修練湖四
閘放湖水以濟漕運

問樵海上移情圖

陶公琴無絃萬感涵寸心但識琴中趣何勞絃上音我

與穎師交無絃亦無琴曾學於妙堂雲南僧善琴謾謾風吹

襟爾從海上來海水聲澎湃百鳥鳴松間孤月來雲外

天空客自遠慮寂心何礙方知情可移始覺神俱會坐

借菴詩鈔 卷十二 九

我彈指室焦桐膝上橫一彈海水綠再彈松風清鐘期

去已渺窳冥無人聽我披畫圖看只對青山青

喜晤吳蘭雪刺史

當年曾獻賦 天子識凌雲彩筆留千古珠光有七

分洪稚存先生云蘭雪詩
有劍氣三分珠光七分琴書仍滿載僕碑也能交尚

踐松寥約題詩贈隱君

象山十詠

石公山有洞中與峨嵋通深藏天一線萬古青濛濛我

欲從之遊足底雲千重 峩嵒洞

宦游人已老直送江入海太息無歸期滔滔心不改臨

流築此亭千古名猶在 送江亭

吳山第一峯金人曾立馬韓公旗一展歸途不敢假至

今墩尚在過客詩常寫

韓公墩

唐有僧習定山稱爲石公石本無言說與我將毋同北窗每自啟萬竹來清風

石公山房

講學劉忠介山遺茶竹亭想當切磋時詠歌詩可聽今

師講不輟竹影橫窗櫺

茶竹軒

雙峯青繞閣一榻橫江干我謂山中住不若枕上看道

人休辟穀秀色知可餐

臥看雲峯閣

一雨衆山綠孤峯入雲際石壁高參天青青垂薜荔惜未有題名藤花落滿地

碧蘿屏

一竿風嫋嫋獨對秋江月恐有故人書雙魚出林樾試

借菴詩鈔

卷十二

十

問鈎曲直曲鈎魚可得

鈎月磯

青蓮開舌底無風花亦香愛此石一片萬古無滄桑吾將抱明月一枕龍宮旁

青蓮華石

使君灘上立雪白絲飄頂意若有所窺豈辭霜月冷飛過荻花中清江不見影

立鷺灘

櫻桃園

我來花始放布穀聲交我去紅欲滿百果爭相嘲十年猶未忘樹下喫櫻桃

張芥航河帥送銅鼓至焦山并示以詩作此謝之

昔讀銅鼓草堂集云是伏波南征駱越之所遺又讀銅鼓山兩賦云是諸葛七擒孟獲時得之鼓難敲崖今俱

在銅柱鐵柱名交垂

伏波題名銅柱在廣西南寧府諸葛記功鐵柱在雲南大理府

水

瀛海靈地欲動聲震山谷天爲低鬼王甲冑藏巖洞關

索神尚飄靈旗嶺表錄異知不妄谿蠻叢笑言無欺考

諸鬱林志可證參之史傳還思維至今海內稱爲寶流

傳不輟華與夷未能一見思若渴有無千載嘗懷疑今

年欣遇梅谿叟河帥欲捨心先知一聞此語喜不勝屢

詢銅鼓來山期此鼓舊藏司馬宅

萬廉山司馬

蠻烟瘴雨來

何時夜深月照梅花室天吳海若爭相窺卽時昇至二

竹齋轅門鼓角橫朝曦爲想得時詫珍異椎牛延客歌

雄詞物古反愁難與匹齋中只合陪商爨我公欲令古

物聚華嚴樓閣高參差送此以配周漢鼎堂前排列三

借菴詩鈔

卷十二

十一

成人八音伊見

狀如漢竹具三節

廣志云漢竹大面跽者一節容一斛

六角蝦蟆癡底窪腰縮口復敞中高棋局邊何徠腹空

卦象艮覆碗聲遠威若玄女夔土花攢簇半翡翠烟痕

班駁紅臙脂山僧下拜卽登受天龍八部爭扶持焦山

麓有銅鼓石藤蘿束縛同支祁潮來聲與此相苔似擊

駱越誰云非我有一言爲爾祝山中歲月無遷移從茲

永得壽者相不止三大阿僧祇桂江羅甸我未到得此

省費遊山資一日摩挲一百徧長吟不顧旁人嗤焦山

志與古物志更添一卷銅鼓詩

六舟旣白將歸海昌詩以贈別

我愛同鄉結伴遊挑燈夜話海雲樓詩成有客稱三影

蔡到無言問六舟公案透非經律論文章讀自夏商周
南歸若問焦山老枯木堂開對白鷗

六月十七日歸海西菴

我已年來似懶殘逢人那更學方干鬚當燃處千莖白
詩到成時九轉丹江上龍吟心勃勃天邊鶴唳骨珊珊
一從明月堂歸後好向滄溟擲釣竿

年到衰殘髻亦殘東西屋住老江干穆生去楚非關醴
漢武求仙不在丹榭葉聲喧秋近遠芭蕉院隔夢闌珊
焦公笑我歸何晚再養青青竹幾竿

張河帥芥航先生過宿山中同楊子堅作

九曲河從天上來原知賈讓有奇才平成不止功千載

借菴詩鈔

卷十二

十一

導引多歸海一杯道路碑傳鄰子國軍民德頌禹王臺
文襄勲業公能繼萬頃狂瀾一手回

開山夜泊海雲涼南北沙尖接大洋宅徙魚龍承號令
天垂星斗貫文章已知梅福尋無壑不信安期住有鄉
欲識攔門難外事先將一一問漁郎

伏波銅鼓世爭誇來自清河謹拜嘉必藉山靈長保護
恨無欵識記年華蠻風瘴雨天應惜月羽星旗影莫遮
從此山中伴雙鼎時時拂拭有僧伽

爭看節鉞駐南譙榻借維摩聽晚潮寶物應追漢代
心經撮喜置松寥詩傳出海留千古寺傍懸巖問六朝
佳話從茲吾欲記一株枯木倚岩峩

送宗鐵羅秀才歸建平

郎川風物似當初處處青山繞屋廬一姓福堂分俎豆
萬家烟火識村墟清容堂好春開晏諸葛城空夜讀書
南渡至今年七百半耕半讀有誰如

洪州明戴靜菴

進

大禹治水圖

洪水滔天處何人力敢爭一心在疏鑿八載始平成汪
罔埋難問支祁鎖不驚黃能猶有廟四壁已秋聲

自然菴返魂梅和小村茂才韻

兩樹榦如鐵盤旋幾百年魂歸香雪海影隔翠微烟霽
月來天外春風到客先道人無一事花下會羣仙

顏魯公畫像

借菴詩鈔

卷十一

十三

平原城獨守能過虎狼師天子未曾識臣心豈待知孤
忠灑肝膽遺像識鬚眉詰責王庭處當時更有誰

王文成公畫像

氣象真儒者修髯玉立身西江知肇畫南粵重經綸理
學非無據文章信有神勝歸山上見復與我爲鄰

次韻海昌安國寺九峯長老見寄

此是鹽官古道場犀牛扇子話偏長池中白藕香初散
海上名山樂未央

東坡書海上名
山至今尚存

雙檜九泉無曲處

東坡

詩根到九
泉無曲處

一花五葉問流芳十年夢斷鄉關路門外誰

知非放光

隨身竿木偶逢場六柱名蓋總未長

南潯極樂寺弁山
龍華寺雲門顯聖

寺杭州梵天寺嘉禾東塔寺海昌安國寺
衲子去留雲一片梵王宮闕水中
央書來北渚人俱老花放東籬菊又芳獨坐詩徵最高
閣一燈遙憶此重光

寄師禹門刺史

空山獨憶海州湄夢繞天邊鶴不知君有故人江上佳

謂揚子堅

時來與我話相思

客去雙峯滿蹊秋木樨花放草堂幽多情最是青天月
夜夜窗前照白頭

和張芥航河帥舟過金山卽用東坡自金山至焦

山韻見寄

金山中冷吾所耽欲汲尚有東與南金焦北固若鼎足

借菴詩鈔

卷十一

十四

山旣有三泉亦三年來我病身復懶形如出火回眠蠶
堂經三退此石肯未免見客心懷慚使君按部出袁浦
風吹燾影來江潭導河入海心已盡疏淮建矚情尤酣
山中寶物有古鼎月下對佛還清談支襄帶已歸白社
忠愍墨喜留花龕山僧住近五十載江山得此貧亦甘
使君撫掌忽大笑我留信宿還嫌貪一帆去趁東風急
走筆卽和蘇應堪他時持節肯重到可能一駐焦公菴

題小梅花菴主二十四歲像

梅花菴裏住神仙梅花菴主最少年二月花開香似雪

時獨立春風前我與菴主舊相識踏遍羅浮山下雪
羅浮山卽是君家東西南北皆梅花

書程春海祭酒題名石後

山到于今姓不更，焦公洞口石庚庚。三生客有三生夢，
千載人題千載名。翠壁丹崖留彩筆，松風竹雨聽秋聲。
羲之岩畔吾孤往，對此何時續舊盟。

題張夕菴先生寄蓮岳上人尺牘後

詩作岑嘉州，畫作王摩詰。千峯頃刻成，萬里在咫尺。想
當數百年生此，一枝筆以畫作佛事。求者無不得，
入室亦最久。師弟情何篤，曾與尺素書。短長十一幅，
七百有餘字。字字皆珠玉，令我心輾轉。幾回燈下讀，

菊枕

節過題糕菊正黃，東籬采采自攜筐。不愁屋角霜初重，
借菴詩鈔

卷十二

十五

但覺牀頭夢亦香，識得瞿曇真面目。任他熱客也清涼，
道人一枕詩徵閣。忘却花枝短與長。

劉退菴司馬同汪鑑亭都閫巡札江上宿松寥閣

見贈次韻

公幹因公作勝遊，桃灣竹鷗儘勾留。詩題石壁雙峯夜，
筆洗銀河萬里秋。但得杯中多月影，不嫌枕上有湖頭。
一無罣礙知難事，司馬云我輩不且與汪倫對野鷗。

三峯先生同友人過訪

先生年八十人似曾，靈光載酒同仙侶。披雲臥石牀，潮
回聲到枕。月落影飛霜，莫問交殊閣。門前扇脚黃。

贈海昌周嵩巢

相逢莫笑我蹉跎萬事皆歸春夢婆昨夜燈前談故里
家家門巷落花多

東坡先生笠屐圖

石公山下客示我笠屐圖圖中詩一首直似眉山蘇公
生景祐歲丙子四十九年窮不死蘇文章早被天子驚
老謫瓊州與僮耳從公游者黎子雲見公貌者無不親
農家借得笠與屐兒童笑逐何紛紛伯時當日圖其像
薄海窮荒人共仰上稽歲月近千秋支采風流猶足想
吾知設醴宋漫堂作文記事邵子湘今復懸像肅再拜
石公山下贊公房

敬菴先生過宿海西菴同作

借菴詩鈔

卷十二

十六

爲訪梅花信來尋舊竹曠當知名士貴不負道人孤詩
思春多少山光夢有無先生猶未忘一展退居圖

二十年前

爲余寫海
西退居圖

月帆小吏妙典信宿海西菴

踏破空階蘚更滋連陰十日雨如絲雲房晝永爐烟細
草閣春深客夢遲佛見花開添一笑人因別久定相思
諸君爲我身多病來問山中玉版師

儘一生

心無所住欲何爭未死先教儘一生似着殘棋要收拾
有人袖手最分明

去冬臘月八日棣麓太守送唐石佛至山中同場

子堅夜過寶墨亭和趙恒夫先生焦山石刻詩
四首正月二十四日太守復過山中約子堅同
遊金陵是夜大雪卽次原韻奉荅

萬頃洪濤涌碧岑仙人洞口薜蘿深雲歸一片僧初定
月抱雙峯磬已沉綠萼齊開知有約紅塵隔斷豈無心
山光水色皆堪證此事何須問寂音

書有青細鏡有函棕爲芒履竹爲衫藜香客去空招手
沽酒人歸欲卸帆石上題名苔更剔山中踏雪字重劉
吾生落拓君休閒且對丹崖與碧巖

石佛詩成效柏梁千回讀若飲瓊漿迎來像是無量壽
供養心同阿育王蒼葡花開香滿座玻瓈鏡洗月侵裳
借菴詩鈔 卷十二 十七

詩徵閣與諸天近肉髻光連清寄堂

一船風雪滿窗櫺夜半龍吟枕上聽白下重游山盡白
青溪未到眼先青君知若輩人誰道時閨阮大我愛蘇

公德自銘蘇詩湛草何足倘過棲霞應小住如今不是

壽昌經道當以德自銘

過曲江亭讀丁雲巽寒楝花館詩卽次見寄韻

丁仙有約來焦山翠屏洲隔青漫漫寄我寒楝花館集
花開不怕春風寒徵君雖死未曾死我到曲江亭子裏

萬竿竹繞舊柴扉一夜潮來新漲水幾回打槳溯前游

觀濤八月同清秋戊辰八月同洪雅存太史張卿齋司

用觀濤曲馬女菴居士過曲江亭訪柳村徵君一聲何處高樓笛吹出團團江上月照我相

江爲韻

思有故人知君鶴瘦多仙骨聞尊此際向誰傾雪裏梅花影更清只有詩人寒可耐朝朝對爾話平生

陳復齋進士爲性海大師作舍利塔銘作此謝之
華嚴真性海智本軼羣倫物我皆無跡乾坤獨此身聞
聲知有自不退轉相親直與先生筆光明照剎塵

孝然祠西偏設一榻置一陶龕以作示寂之所

孝然祠許結爲鄰跌坐堪容老病身一榻本非門外漢
百年還是此中人江山半壁吾還在風雨孤燈客憶頻
爲語道人莫惆悵從今不必問前因

過魯大夫墓

斜陽古木亂啼烏三尺墳荒魯大夫爲報于今墳上土
借菴詩鈔

卷十二

十六

非劉非魏亦非吳

賓谷先生柩過丹徒卽用丙戌正月六日攜諸賓
從晨遊焦山晚登芙蓉樓餞別韻以送之

不知扶大雅海內更何人治術兼經術絲綸與鈞綸先生

有西溪漁隱圖靈旗來昨日往事憶新春石壁詩猶在時間泣

鬼神山中倡和諸人今惟吳蘭雪刺史及余尚在餘歸道山矣

握別蒜山頂形諸夢寐中雲飛雁南北月落影西東百
越謳歌渺三江俎豆崇魂歸茅屋下賞雨對青桐有刻賞雨

茅屋詩文集
二十四卷

大水歎 道光十一年

道光三年大水發人家半作蛟龍窟七十二洲田盡淹

一十七區人恐沒夢我蔣公心惻然聞風絡繹爭相捐
紅船去卽米船至饑民住滿雙峯巔一日桃花米六合
米驗其票人驗册病者有藥死有棺不問江南與江北
功歸實際稽必親用得其用知其仁八月水退人歸業
牽蘿補屋聊棲身今年六月潮更大家家屋裏聲澎湃
又兼日夜雨傾盆似與蒼茫天作對白陽水比潮尤強
真州白陽山出蛟一旦盡作無何鄉我謂此非黃叔度如何處

處皆汪洋我聞潤城爲善心最樂前者之舉必復作况
今太守仁且慈使彼灾黎能著脚君不見一片茫茫真
可歎縱使不飢人亦難昨聞江北已坐食富不能安飢
恐食許之則去爲坐食恐飢民叢聚至富家求

借菴詩鈔

卷十二

九

和芥航河帥自黃河出海夜泊開山紀事原韻

大禹鑿龍門功與天地配水行其無事萬世斯民賴手
足盡胼胝沙石自洗汰南北兩條間凝澱復汪濊鯨口
帆檣怯渺莽人相誠我昔泛南溟冒險償遊債舟小同
一葉草草三五輩鱷鬣若山峙日輪崑海大平生第一
觀吟詠愁襟豁心平神復定欲語難置喙長天印水窟
卦義象諸史扶桑隱約間蒼嶼指其概周天尚有度四
海豈無外吞江更納漢中國爲襟帶公本瀛洲客早占
金鰲背復作天池遊遠近無不屆直破萬里浪豈止北
尖頂旌旗拂雲霞金鼓雜澎湃指顧三山添瀾漫百川
會爲之開心胷亦且放眼界浩氣塞天地性理原不悖

量大悉包涵豈出方寸內所以神仙人不喜居闕閭摩
埃莫能千虛空無障閼波濤足下飛星斗臂前挂
織本虛海若知應邁子書多妄誕山詎鰲能戴若至聖
人域視之等纖芥天光與海色空濶了無隘竊臆公按
部應以此爲快深夜泊開山橋擊浪花碎出沒波濤中
舟子誠狡猶試遣工畫人莫能寫其態孤島村市小晨
興貨紫貝所歷奇異景詩中無不載讀罷再三復髣髴
聞天籟欲賡心屢止北走如兵潰筆底無波瀾腹中惟
糠稗得句不得奇深慚力已敗畫舸來焦山幸得陪清
語聞言發深省潤物等靈壽雙峯觀落日歸來正冥晦
詢訪古物志一一敢具對鎮山施銅鼓紺色發光惟此
借菴詩鈔

卷十二

二十

寶世所稀他人難割愛好古不泥古竟得從所丐側聞
治水切采納知爲最遂使空言者從此破愚昧今年桃
花浪雨暘自和霽天意亦可知功業於焉在淮清河漸
低水谷流歸派長隄高數仞鐵鑄豈能壞却被河伯笑
堵防無乃太水族皆遠徙鼉鼉不爲害 朝廷慶安瀾
役夫免狼狽千秋繼禹功九折勞滂沛沙刷水自平玉
塞源亦殺河清豈三日歡忭集冠蓋斯民生 聖世鼓
腹無凋瘵請續河渠書世世永爲戒

道光十一年六月大水灾各處田廬淹沒避至焦

山者三千餘人蔣夢弢觀察同諸縉紳復設賑

山中感而賦此

田廬沒盡水滔滔日夜聲同萬馬跑浪比禹門知更險
山爭堯市不嫌高堯市山在湖州長興縣堯時民避水于此以成市天災已定
人休怨濁劫偏逢數莫逃十八又添潮幾尺月波樓接
海門濤

饑民住不止三千襁褓提攜甚可憐五合桃花能續命
一方蘆蓆自安眠烟濤雪浪風兼雨佛閣雲廊後與先
爲語諸君莫惆悵天書下恤爾無偏

今年水實勝前年除却登山不用船未敢乘槎追貫月
知難辟穀擬登仙斬無周處蛟纔縱立有王尊浪豈顛
請看潮頭來滾滾射他圓必弩三千

薪多如桂米如珠得使飢腸夜不呼移粟就人非急務

借菴詩鈔

卷十二

三

作文記事有鴻儒舟因到岸還思濟路遇流民卽可圖
此異越州趙清獻須知水旱政相殊

滂沱淚復雨滂沱四面洪濤擁碧螺善到眼前爲者樂
吾知世上苦人多漫提來歲春將及但看今時樣若何
幾度問蒼天默默人家無處不烟波

千江多滙一江流夢裏聲常撼竹樓事物何能窮變化
乾坤自必有春秋居同木石翻憂懼人逐波濤感去留
我倚曲欄空太息田無寸草屋無楸

半壑菴卽事

半壑與善權今昔事頗同寧作寒松操莫作白松風若

與善權寺住僧折瓦賣矣植越延白愚斯和尚住持殿
宇重新交寒松操主席後白松風以勢奪之寺遭圓祿

自松風竟死於
火間者慘然

潺湲澗水清六月寒生齒

八公洞水寒飲者多疾病

我嘗謂此處凶

地非兄弟

揚州周秀才增讀書雲深菴祈夢見武帝曰凶地周自喜謂武帝呼爲兄弟後大雨山崩

死於石下

題湯雨生都督十九僧圖兼寄六舟上人

天移節鉞駐西吳細柳門開若畫圖聞道將軍多揖客

湖山游詠興非孤

雙峯影對碧層層我愧圖中十九僧惟有六舟知勝我
蒲團枯坐百無能

借菴詩鈔

卷十一

三

海西菴雜徒妙元校字

借菴詩鈔卷十二終



2711.1/6